

奇妙的海洋生物

紺色的海洋是孕育真濟生物的所在，佇遮充滿活潑的性命力，咱會使看著百百款無仝的生物，佇內底泗水。有體型細粒子的小丑魚；有成群結隊的熱帶魚；閣有規身軀尖刺滿滿是的海膽……等等。

橫咧行的罈仔，是沙埔頂天母驚、地母驚的勇士。伊定定共一雙大罈管擰懸懸，橫行佇黑殞色的沙埔頂，敢若無其他海洋生物敢阻擋伊的去路。毋過見擺若有人倚近伊的時，伊都會著青驚，覘入去沙埔頂的洞穴，等待人走去了後，才恬恬仔共伊的頭伸出來。

用整齊的跂，一開一合來徙振動的水母，泗水的時，姿勢親像芭蕾舞者曼妙的舞姿，竟然是遮爾仔優美，予人毋甘轉移目光。

身軀瘦抽的海馬，干焦會當直條條的倚咧和徙振動。恰其他生物上大的差別是，個是予公海馬進行孵卵這項重要的工課，而且個會綴著四箍圍物件的色水來改變家己身軀頂的色水，按呢才會當閃避天敵，保護家己恰未孵化的卵。等到卵咧欲完成孵化的時，公海馬就用身軀的顫動，共全部的卵對育囹袋內底顫動出來，恬恬等待小海馬破卵出來，完成孕育下一代。

海洋真正是一个五彩繽紛、充滿性命力的所在啊！無論是毛蟹、水母，抑是海馬，攏是海洋中上有特色的生物，值得咱斟酌觀察恰好好保護。